

2017 წლის 11 მაისის სახელმწიფო შესყიდვის შესახებ
№118 ხელშეკრულებაში ცვლილებების შეტანის თაობაზე

ქ. ბათუმი

25 მაისი 2017 წ.

ქ. ბათუმის მუნიციპალიტეტის მერიასა და ა(ა)იპ „აჭარის ავტონომიური რესპუბლიკის ჭიდაობის ფედერაციას“ შორის 2017 წლის 11 მაისის დაიდო №118 ხელშეკრულება ქ. ბათუმში, საქართველოს დამოუკიდებლობის დღისადმი მიძღვნილი საერთაშორისო ტურნირის ორგანიზების სახელმწიფო შესყიდვაზე (NAT170004144).

ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილების უფროსის ია შალამბერიძის 2017 წლის 25 მაისის N8926-25 მოხსენებითი ბარათის თანახმად, აღნიშნული ხელშეკრულების ტექნიკური პირობების პირველი პუნქტის თანახმად მიმწოდებელმა უნდა უზრუნველყოს მოზარდებს შორის თავისუფალი სტილით ჭიდაობაში, საქართველოს დამოუკიდებლობის დღისადმი მიძღვნილი საერთაშორისო ტურნირის ორგანიზება, თავისუფალი სტილით ჭიდაობაში, ჭაბუკთა შორის საქართველოსა და უცხოელი (უკრაინა, სომხეთი, აზერბაიჯანი, საბერძნეთი) ნაკრები გუნდების მონაწილეობით. მ/წ.25 მაისს ქ. ბათუმის მუნიციპალიტეტის მერიის აპარატში შემოვიდა ა(ა)იპ „აჭარის ა.რ ჭიდაობის ფედერაციის“ პრეზიდენტის ანზორ ლაზიშვილის N16242/25 კორესპონდენცია, ხელშეკრულებაში ცვლილების შეტანის თხოვნის თაობაზე, ვინაიდან უკრაინისა და საბერძნეთის ნაკრები გუნდები გარკვეული საპატიო მიზეზების გამო ვერ ახერხებენ ღონისძიებაში მონაწილეობის მიღებას, მათ ნაცვლად ღონისძიებაში მონაწილეობას მიიღებენ უზბეკეთის 1 გუნდი, აზერბაიჯანის 2 გუნდი და სომხეთის 2 გუნდი, ასევე გუნდები საქართველოს ყველა რეგიონიდან

აღნიშნულის გამო, მიზანშეწონილად იქნა მიჩნეული შევიდეს ცვლილება ქ. ბათუმის მუნიციპალიტეტის მერიასა და ა(ა)იპ „აჭარის ა.რ. ჭიდაობის ფედერაციას“ შორის 2017 წლის 11 მაისის N118 ხელშეკრულებაში.

ყოველივე ზემოაღნიშნულის გათვალისწინებით ჩვენ, ერთის მხრივ ქ. ბათუმის მუნიციპალიტეტის მერია, ქ. ბათუმის მუნიციპალიტეტის მერის მოადგილის ალექსანდრე მითაიშვილის სახით და მეორეს მხრივ ა(ა)იპ „აჭარის ა.რ. ჭიდაობის ფედერაცია“ მისი პრეზიდენტის ანზორ ლაზიშვილის სახით, მოქმედი კანონმდებლობისა და 2017 წლის 11 მაისის N118 ხელშეკრულების მე-7 მუხლის საფუძველზე, შევთანხმდით შემდეგზე:

1. შევიდეს ცვლილება ქ. ბათუმის მუნიციპალიტეტის მერიასა და ა(ა)იპ „აჭარის ავტონომიური რესპუბლიკის ჭიდაობის ფედერაციას“ შორის 2017 წლის 11 მაისის დადებულ №118 ხელშეკრულების ტექნიკური პირობების პირველ მუხლში და ჩამოყალიბდეს შემდეგი რედაქციით:

მოზარდებს შორის თავისუფალი სტილით ჭიდაობაში, საქართველოს დამოუკიდებლობის დღისადმი მიძღვნილი საერთაშორისო ტურნირის ორგანიზება, თავისუფალი სტილით ჭიდაობაში, ჭაბუკთა შორის საქართველოსა და უცხოელი (უზბეკეთის 1 გუნდის, აზერბაიჯანის 2 გუნდისა და სომხეთის 2 გუნდის მონაწილეობა საქართველოს სხვადასხვა რეგიონის გუნდებთან ერთად) ნაკრები გუნდების მონაწილეობით;

2. წინამდებარე დანართი შედგენილია ორ თანაბარმნიშვნელოვან ეგზემპლარად და ის წარმოადგენს 2017 წლის 11 მაისის N118 ხელშეკრულების განუყოფელ ნაწილს.

3. წინამდებარე მხარეთა შეთანხმება ძალაში შედის მხარეთა მიერ მისი ხელმოწერისთანავე.

„შემსყიდველი“

„მიმწოდებელი“

ქ. ბათუმის მუნიციპალიტეტის მერია
მერის მოადგილე
ალექსანდრე მითაიშვილი


(ხელმოწერა)

„აჭარის ავტონომიური რესპუბლიკის ჭიდაობის ფედერაცია“ ფედერაციის პრეზიდენტი
ანზორ ლაზიშვილი

(ხელმოწერა)